

## TEAM DI ARESTO A HAYA NAN VEHICULO DI TRANSPORTE NOBO



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

## CASO AVESTRUZ Y E AMOR SECRETO ENTRE BENNY Y MARISOL



## JOE BIDEN A RETIRA SU CANDIDATURA PA E PRESIDENTE DI MERCA

Presidente Mericano Joe Biden a bandona e careda pa presidencia di Merca. Te cu algun ora pasa su posicion pa continua tabata firme, mescos despues di e atake cu Donald Trump a sufri. E actual presidente a publica un comunicado dor di su Instagram oficial unda e ta informae ciudadanonan di e cambio den su decision, “mi ta kere cu ta e mihor pa mi pais cj mi ta retirá” ta loke el'a

menciona. El'a recomienda y apoya su vice presidente Kamala Harris pa tuma over.

Nota di redaccion: Sigur ta un hecho di lamenta, pero di berdad su edad ta halto y ta notabel cu e no tin e capacidad mas pa fungi como presidente. Biden tin problema cu memoria y kisas ta den fase di comienso di Alzheimer. Den tur presentacion e ta comete error.



## FELICITANDO SELECCION DI BASEBALL DI ARUBA LITTLE LEAGUE 11-12 CU DESPUES DI 13 AÑA TA BEK DEN WORLD SERIES NA WILLIAMSPORT



## We are looking for...



The Marketing Unit is responsible for developing and executing all marketing, branding, and communications strategies, policies, and plans for the A.T.A. and the Aruba brand as well as executing all marketing-related activities.

### Branding & Niche Manager

The Branding & Niche Manager is co-responsible for the research and analysis of branding-related activities, the development of branding strategies and policies, providing branding advice, exploitation of the Aruba brand, the development of the niche marketing strategy and niche plans as well as the management of the branding & niche unit.

Interested and eligible candidates can submit their application and motivation letter via our Career Portal.

The deadline for applications is August 2, 2024.



SCAN ME!

And visit our Career Portal for more information about the positions and requirements.



# Minister Dangui Oduber

## MINISTER DANGUI ODUBER TA COMPARTI CON SU VISION PA E SECTOR DI CUIDO MEDICO TA PARTI DEN 3 PILAR



Den cuadro di e mehoracion di e calidad di cuidu y servicio na Aruba Minister di Salud Publico sr. Dangui Oduber ta comparti cu pueblo su vision y con esaki ta parti den 3 pilar: Mejoracion, Inversion y Prevencion.

Pilar 1: Mehora nos calidad di cuidu y servicio na Aruba. Minister ta menciona pa logra mehora esaki, henter e sector di cuidu mester a bin hunto y firma un acuerdo di cuidu (Zorgakkord) pa locual ta e direccion cu kier hiba nos cuidu medico den futuro. Turesakitapasalvanguardia e fondo di AZV, pa asina nos por keda ofrece un seguro medico general na tur e aseguradonan. Den e acuerdo di cuidu a

enfoka ariba e siguiente prioridadnan manera; reforsa prome liña di cuidu, aumenta e accesibilidad, baha e lista di espera y percura pa yena e vacaturanan di especialista.

Pilar 2: Inversion den cuidu medico. Minister Dangui Oduber ta menciona cu locual ta hopi importante den e acuerdo di cuidu ta e presupuesto financiero, pa por guia y determina e fondonan pa e añanan binidero. A percura pa den e presupuesto tin e financiamiento necesario pa por haci inversionnan den e sector di cuidu medico manera; inversionnan na Imsan pa e centro di radiotherapie, inversionnan na respaldo pa yuda pashent cu

problema di salud mental, inversionnan pa stichting Bob, inversionnan na Hospital pa mehora e servicio na pashent, inversionnan pa ambulancenan nobo y inversionnan den innovacion.

Pilar 3: Prevencion den salud. Minister Oduber ta sigui traha duro pa prevencion di salud. E ta e responsabilidad di cada ciudadano pa biba un bida balansada y saludabel. E pilar di prevencion number 3 ta asina importante y pa es motibo a presenta un plan nacional di prevencion

conhuntamente cu Pan American Health Association (PAHO) y ademas stakeholders den cuidu medico. E meta di e plan di prevencion ta pa asina conscientisa y educa e comunidad con pa tin un lifestyle mas saludabel pa un mihor calidad di bida y pa tin mas productividad den nan bida diario. Den cuadro di esaki a habri Healthy Lifestyle Center cu ta fungi como un centro pa yuda guia y duna coaching na tur cu tin e deseo di cambia nan lifestyle pa uno mas saludabel. Minister Oduber ta sigui traha pa cumpli cu e compromiso cu e tin pa cu e pueblo di Aruba. Pa sigui

traha pa mehora e calidad di cuidu y servicio den su totalidad. Pa asina por ofrece un mihor servicio na tur e aseguradonan.





# Parlamentario independiente Rycond do Nascimento: CASO AVESTRUZ Y E AMOR SECRETO ENTRE BENNY Y MARISOL

Mi tin un simpatia grandi pa Benny Sevinger. Como politico e ta papia bon. Como hende e ta mishi cu bo alma ora bo lesa con el a yora dilanti di hues, contando su sufrimento durante e investigacion di caso Avestruz. Marisol Tromp tambe ta un politico cu mi ta simpatisa pa varios motibo. Durante hopi aña e ta parce di ta un persona cu repetidamente a bira victima di crueldad di parti di Nel Oduber, Chris Dammers, Otmar Oduber y na ultimo Evelyn Wever-Croes.

Sin embargo e revelacion di mas grandi, pa mi, di e caso Avestruz ta e coneccion entre Benny y Marisol. Den e sentencia di Hof di dia 12 di juli 2024 nos por lesa di pagina 17 te cu 23 un splicacion amplio di e proceso corruptivo cu Benny tabata uza. E comerciantenan cu tabata desea un tereno mester a haci nan peticion dirigi na Benny. Benny na su turno tabatin un libertad demasiado grandi pa dicidi ken e ta duna tereno, sin ningun problema legal pa motibo di un poder corruptivo den nos ley di otorgamento di tereno (articulo 25c LUE).

A base di e elemento corruptivo den ley Benny tabatin e poder pa otorga terenonan bao di e condicionnan cu e mes tabata stipula pa cada caso individual. Hof ta muestra cu Benny no a haci nada pa

elimina e poder corruptivo aki.

Benny tabata gaña tur comerciante cu nan tabata haya un trato igual. E tabata gaña cu tur lo a haya nan tereno segun nan beurt a base di e principio First In, First Out (FIFO). Pero, e evidencia ta muestra cu Benny tabata faborece Leoncita y Susebeek pa probecho personal. E evidencia cu Hof a uza ta inclui e testimonio di Sjak-Shie. E tabata director di DIP bao di Marisol y di Benny di 2005 pa 2010. Sjak-Shie a muestra cu e tempo ey ni Marisol ni Benny no ta tene nan mes na e maneho, manera principio di FIFO.

Loke ta mas interesante ainda ta cu no ta Benny a inventa e draaiboek di corrupcion. Aparentemente ta Marisol ta e arkitecto. Den e relato di NoticiaCla fecha 15 di mei 2024 ta muestra cu hues a haci pregunta na Benny encuan to e proceso pa por haya un tereno. Durante e interrogacion aki Benny a laga sa cu no tabata existi regla specifico pa otorgamento di tereno. Benny a sigura hues cu ora cu el a bira minister, el a informa su mes kico e proceso tabata bao di Marisol y siguiyente Benny a dicidi pa mantene e proceso mescos. Cu otro palabra Benny no a haci net nada pa elimina e poder corruptivo for di proceso cu el a hereda di Marisol.

Ora nos pone e sentencia di Hof banda di e WODC-rapport di 2010 tur cos ta cuadra. Riba pagina 171 te cu 173 e rapport ta muestra cu Marisol ya caba tabatin e poder corruptivo cu despues a hiba na condena di Benny na cuater aña di prison. Es mas, e WODC-rapport ta sigui muestra cu Marisol a uza e poder pa viola e principio FIFO den aproximadamente setenta caso. Pa colmo mayoria di e violacionnan aki a tuma luga net prome y durante e campaña electoral di 2009. Pero, toch Benny den capacidad di minister nunca a entrega un denuncia serio contra Marisol. Ta te ora cu el a sinti e rosea cayente di husticia el a core hinca un cos straño den otro, acusando Marisol y Evelyn, pero sin basha abao riba e triki y trampa cu el copia di Marisol.

Aña 2009 ainda Marisol tabata candidato pa MEP. Cuater aña despues, na 2013, Marisol a bira parlamentario pa AVP. Probablemente pasobra Benny tabata uzando Marisol su draaiboek,



never Marisol a basha abao riba Benny. Tampoco Marisol a pasa cualkier mocion pa kita e poder corruptivo for di e minister di infraestructura. El a djis apoya Benny y Gabinete Mike Eman II te ora cu el a clash cu Dammers.


Ta danki na e trabao grandi di Landsrecherche, Ministerio Publico y Corte Comun awe nos sa con Marisol den MEP a crea caminda pa Benny den AVP, perhudicando hopi comerciante. Ta danki na nos cadena hudicial awe nos por compronde con

AVP a uza ley di tereno comercial pa facilita tereno facil pa friends & family enrikece nan mes.

Mientras tanto comerciantenan serio mester a cumpra e terenonan via un construccion legal na prijsnan exorbitante.

Asina e orbita di politiconan aki a obliga e comerciantenan hisa nan prijsnan, aumentando e “cost of doing business”, aumentando inflacion aumentando pobreza.

**CAMBIA PERSPECTIVA  
TOCANTE OBESIDAD:  
SA BO NUMBER Y  
MIDI BO PESO**





# ACCIDENTE CU IMPACTO FUERTE ENTRE UN AUTO Y UN QUADRACER NA SIMEON ANTONIO, E MOTOCICLISTA A RESULTA HERIDA.





Diasabra anochi a drenta informe di un accidente cu hende herida dilanti di Bopel na Simeo Antonio, mesora a dirigi tanto polis como ambulans na e sitio.


Na yegada di e patruya a bin compronde cu aki ta trata di un accidente unda cu un auto a bira dilanti di e quadramer sin a dun'e preferencia y nan a dal den otro.

Debi na e fuerte impacto e motociclista a resulta herida.

Na yegada di e ambulans nan a atende e victima y a transporte cu su man kibra pa hospital.



## MOTOCICLISTA BINIENDO FOR DI NORT A BAY DAL TRAS DI AUTO RIBA E ROTONDE BANDA DI SUPERFOOD




Diadomingo madrug a drenta informe di un accidente cu hende herida na e rotonde banda di Superfood, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente entre un auto cu a sigui bay y un brommer.

Un rato despues e chauffeur di d auto a bolbe na e sitio y a declara na polis cu e tabata envolvi den e accidente.

Na yegada di e ambulans nan a atende e motociclista y a transporte pa hospital.





Partido MEP:

MIKE EMAN TA BOLBE ABUSA DI ARUBA

Na aña 2014 KB pa abuso di placa di pueblo y na aña 2024 castigo pa abuso di Benny cu tereno di pueblo

Hopi ta puntra nan mes ta ken ta kere ainda den Mike Eman, pasobra Mike Eman ta e politico cu mas a abusa di pueblo di Aruba. Aki ta sigui dos ehempel. Mike a abusa di placa di pueblo door di crea un megadebe riba cabes di tur hende y Mike a laga Benny tambe abusa cu tereno di pueblo sin par’e niun dia.

KB na aña 2014

Na aña 2014 Mike Eman a haya un KB di Hulanda pa su mal maneho financiero na unda el a abusa di cartera di pueblo trahando un megadebe riba cabes di tur hende. Mike a redobla e debe di Aruba den un par di tempo cu pueblo a confi’e pa goberna Aruba. E tempo eynan ta Hulanda mester a para Mike Eman, pasobra na Aruba e mayoria den Parlamento no a durf di para Mike. Ni sikiera Marisol Tromp cu awe diripiente a cuminsa critica maneho financiero hiba pa Gabinete Wever-Croes, tabata tin durf di para Mike su abuso cu placa di pueblo di Aruba. Hulanda a manda CFT investiga e desaster cu Mike a haci cu pueblo di Aruba y a saca afo cu Mike Eman a desgracia Aruba financieramente pa hopi aña nos dilanti. Hulanda a duna Mike un KB y nos tur ta corda con Mike a bay den un welga di hamber falso cu a pone Aruba su cara na berguensa. Hulanda a baha duro riba Mike Eman y a obliga Mike y su


parlamentarionan, incluso Marisol Tromp, pa pasa e ley di LAFT pa controla y para e abuso di Mike Eman cu placa di pueblo.

Castigo na aña 2024

Awe cu nos ta corda con 10 aña pasa na 2014 Mike Eman a haya un KB pa abusa di cartera di pueblo, ata na aña 2024 Huez ta castiga Benny Sevinger pa abuso cu tereno di pueblo. Mike a laga Benny abusa di tur hende cu awe no tin tereno ainda pa traha nan cas. Mike a laga tur comerciante cu a pidi tereno comercial na caya, pasobra DIP mester a para tur trabou pa Ministerio Publico por a investiga Benny. Huez a mostra con comerciantenan rond di Mike Eman y Benny Sevinger si a haya tereno. Huez a mostra tambe con Leoncita Arends cu a haci yen fanfaria traha protocol cu Mike Eman pa bon gobernacion, tambe a abusa cu tereno di pueblo haci negoshi na grandi. E castigo cu Leoncita a haya ta conta como castigo di pueblo pa Mike Eman tambe, pasobra ta Mike a permiti Leoncita abusa di tereno di pueblo.

Mike Eman ta abusa di Aruba  
Esaki ta djies dos ehempel con Mike Eman ta abusa di Aruba y pakico pueblo mester rechasa Mike su promesanan. Asina cu pueblo duna Mike poder, e ta bira abusa y castiga pueblo cu mal gobernacion.





# TERMS OF REFERENCE


## PBX Replacement at Aeropuerto Internacional Reina Beatrix

By means of this publication the Aruba Airport Authority N.V. (AAA), manager and operator of Aeropuerto Internacional Reina Beatrix (AIRB), would like to invite all interested parties and/or interested parties have formally and/or informally shown interest in the past to AAA to replace the PBX system at AIRB, to submit to AAA an offer as further described in our Terms of Reference (TOR) document.

Interested parties have to confirm their interest by emailing [docscontrol@airportaruba.com](mailto:docscontrol@airportaruba.com) in order to receive the TOR from AAA. This request must be submitted on /or before **26 July 2024**. On **29 July 2024**, the TOR document will be provided to all interested parties digitally through a secured system. Once the TOR document is provided to the interested party on 29 July 2024 an acknowledgement for receipt is required to validate the receipt of the TOR. Verification for the receipt of the request for the TOR remains the responsibility of the requesting party. A site visit is scheduled for **12 August 2024**, at 14:30 hrs lt. Meeting point is in front of US Check-in Hall . Questions on the TOR can be submitted on **16 August 2024**. Answers to the questions from all parties will be emailed ultimately **22 August 2024**, to each party that has received our TOR.

The final date for submission of a proposal to replace the PBX system at AIRB is **29 August 2024 10:00 am**, as per instructions in the TOR document. AAA reserves the right to contact all entities on its own initiative who have expressed their interest in the past to AAA for such a project.

Aruba Airport Authority N.V.  
May 2024





Parlamentario Marco Berlis (MEP):

# AUSENCIA STRUCTURAL DI MARISOL NA REUNIONNAN PUBLICO

**Politico di 27 aña a keda ausente hasta na reunion publico di Ombudsman.**

Ser un parlamentario responsabel kiermen cu nos presencia na reunionnan publico ta un obligacion, y cu realmente no tin un excusa pa no ta na pia di trabao sino no ta pa enfermedad of cosnan di urgencia real. Sinembargo pueblo por a observa esnan cu mas ta critica, cuestiona y punta dede tur caminda, ta esnan cu menos ta atende trabaonan na Parlamento. Ausencia structural, yegamento laat mas cu un ora of dos ora, ta na ordo di dia pa Marisol Tromp y Miguel Mansur. Ta bisto cu ta pone prioridad riba vakantie y graba video enbes di atende cu leynan serio pa sigura e progreso di nos pais.

“Rapport” Parlamentario cu “dikke” onvoldoende pa Marisol pa aña 2022-2023 Tur aña Parlamento ta publica e “presencia y ausencia” di cada parlamentario na reunionnan publico. Adicionalmente ta keda publica cuanto pregunta

cada un di nos ta haci den un aña parlamentario. Pa ambos di esakinan Marisol Tromp a score na 2023 un “dikke onvoldoende.” Dicon? Pasobra Marisol tabata tin varios ausencia, y apenas a haci 36 pregunta na minister. Esaki ta ekivalente na 3 pregunta pa luna. Kizas ora e lesa e articulo aki e lo core ripiti algun pregunta bieu di 2021-2023 por escrito na minister pa “drecha” su “rapport”?

Marisol ausente di un Reunion Publico cu e mes a exigí Aunke tur reunion publico ta sumamente importante, ta bon pa remarca cu Marisol Tromp tin un ausencia halto pa 2023-2024. Asina Marisol a bay prensa pa “supuesto fraude” cu helicopter, acusando minister Rocco Tjon pa mal maneho y falta di transparencia. Marisol a exigí un reunion publico riba e topico, a manda un carta na Presidente di Parlamento pa trata

e tema, a skirbi riba su Facebook riba e tema.... sinembargo, ora e dia di e reunion publico a yega, Marisol tabata ausente! Dicon? Pasobra ora cu e la wordo informa pa minister cu un amigo abogado ta wordo menciona den e documentonan, Marisol a hala kita mesora! Asina Marisol, un politico di 27 aña ta keda hunga cu mente di pueblo.

Marisol ausente na reunion publico di Ombudsman Recientemente tabata tin e reunion publico historico, den cual Parlamento mester a scoge entre e nombrenan kende mester a bira e prome Ombudsman di Aruba. Un dia masha importante den cual publicamente a scoge e prome Ombudsman Jurima Bryson pa e posicion. Unda Marisol tabata e dia ey? Ausente atrobe!

Marisol den cushina di Parlamento pa ley di TPEF no wordo trata




Ademas, Marisol tabata presente na januari 2024, ora mester a vota den e reunion publico di TPEF (Tourist Product Enhancement Fund), cu ta wordo usa pa embecece nos isla, pa financia proyectonan turistico y paga ploegnan pa tene nos costanan limpi. Pero kico Marisol a haci? E la bay sinta den cushina pasobra e no kier tabata presente den sala di Parlamento pa asina stroba e reunion publico di tuma lugar. Esaki ta pa locual Marisol Tromp a huramenta dilanti Gobernador? Asina Marisol ta traha cu

“eer en geweten?” Marisol su actitud irresponsabel ta keda demostra claramente cu e no ta luchando pa bienestar di nos pais, pero pa sigui nutri su imagen politico. Ta di spera cu Marisol lo haya un dikke Nul Komma Nul pa su ausencia frecuente y su prestacion inconsistente.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

## MAS DETENCION NA NOS FRONTERA NA AIRPORT, POLIS A DETENE UN SOSPECHOSO

Recientemente polisnan di frontera a detene un otro sospechoso na airport, nos a haci nos esfuerso pa haya sa e motibo y di cua nacionalidad pero vocero mes no a haya detaye di e detencion aki. Manera cu esaki bira disponible nos lo trese esaki.







# Maneho di Idioma

Compronde loke bo ta skirbi y lesa



# Sintonisa

PROGRAMA INFORMATIVO



**22 di juli 2024**



**9:15 PM**



/ManehoDiIdiomaAruba

Ministerio di Enseñansa y Deporte



Maneho di Idioma:

# SINTONISA PROGRAMA EN CONEXION CU INTRODUCCION DI PAPIAMENTO DEN KLAS 1 DI SCOL BASICO DIALUNA, 22 DI JULI 2024

TeleAruba y Canal 22 lo ta en bibo desde 9 or di anochi

: Manera ta conoci, entrante aña escolar 2024-2025, e alumnonan di klas 1 di scol basico lo siña lesa y skirbi na Papiamento. Lo duna Hulandes cu un acercamento nobo cu ta pas mas den e contexto di nos muchanan. E ta científicamente proba cu si e muchanan forma un base fuerte den nan propio idioma, nan por siña e otro idioma hopi mas facil y miho.

Ademas, siña lesa y skirbi den idioma materno Papiamento lo haci cu e muchanan lo compronde loke nan ta skirbi y lesa y lo stimula nan habilidadnan di siña en general. Esaki lo ta beneficioso pa e muchanan, mirando cu nan lo bira critico di pensamiento y lo ta mas prepara pa duna nan opinion durante les.

Ademas di esaki, nan por conecta miho cu nan rais



cultural. E muchanan lo sinti mas sigur den nan proceso di siñamento, pasobra esaki ta alinia cu nan idioma materno y nan cultura. Pueblo di Aruba

ta cordialmente invita pa sintonisa programa en conexion cu introduccion di Papiamento den klas 1 di scol basico a traves di TeleAruba, Canal 22

y pagina di Facebook Gabinete Wever-Croes, cuminsando 9 or di anochi.

## POLIS A DETENE DAMA TURISTA CORIENDO AUTO BAO INFLUENCIA



Diabierna atardi a drenta informe di cu tin un auto coriendo malo riba e caminda di Tanki Leendert bayendo pariba, mesora a dirigi patruyanan riba caya pa wak si ta topa cu e auto aki.

Tabata trata di un Nissan cora di huur. Ta na altura di Tamarijn polis a logra topa y a para e auto maneha pa un dama turista. Ora polis a test e dama esaki a surpasa e limite di alcohol permiti pa ley y a detene. Polis a pone e auto un banda y a hiba e dama pa warda di polis.

## POLIS A DUNA DAMA HULANDES EUROPEO ALGUN ORA DI PROHIBICION PA CORE AUTO DESPUES DI A ACCIDENTA



Diabierna anochi a drenta informe di un accidente na Turibana, mesora a dirigi un patruya na e sitio.

Na yegada di e patruya a bin haya un pareha hulandes europeo bao influencia cu a baha caminda drenta mondi cu e auto.

Ora polis a test e dama chauffeur esaki a supla net na e rand pa no detene pero a dun'e un prohibicion di core auto pa algun ora.

E homber tabata muestra mas bebi cu e dama. Afortunadamente ningun hende a resulta herida.



# GOBIERNO DI ARUBA A RICIBI BISHITA DI EHECUTIVONAN DI FIFA PA E PROYECTO DI TURF DI E 7 VELDAN DI FUTBOL



FIFA Artificial Turf expert Alastair Cox hunto cu Jordan Victoire FIFA Regional Development Manager acompaña pa presidente di Arubaanse Voetbal Bond (AVB) Sr. Randolph Lacle, secretario general Sra. Dyane Wiersma y Sr. Pancho Croes Project Manager a haci un bishita na Minister President di Aruba Evelyn Wever-Croes y Minister di Enseñansa y Deporte Endy Croes pa dialoga tocante e fase final di e Proyecto di Turf pa e shete (7) veldnan di futbol na Aruba.

Team di consehero Sr. Francis Croes y Sr. Chito Geerman tambe a acudi pa asina tur brinda apoyo pa realisa e Proyecto di Turf. FIFA y AVB a confirma cu e shete (7) veldnan

inicial ta Nacional, Bubali, RCA, River Plate, Dakota, Estrella y La Fama. Tin algun rekisitonan cu mester atende y finalisa dentro di poco.

E mandatario di Deporte ta indica cu e tabata un reunion exitoso. E proyecto aki lo eleva e nivel di futbol aki na Aruba. Esnan cu ta bin na remarke pa FIFA ta categoria di mucha, hoben y futbol femenino. Pronto FIFA lo t'ey bek pa firma un acuerdo pa e proyecto aki cu lo inicia comienso di aña 2025. Minister Endy Croes ta gradici Prome Minister Evelyn Wever-Croes, Gobierno di Aruba, FIFA, AVB y tur stakeholder cu hunto ta logrando proyectonan bunita pa e deporte di futbol.





# Candela di mondi a expande y bay kima un auto bieu

Diabierna atardi a drenta informe di cu tin un auto na candela na Alto Vista y e candela ta expandiendo, mesora a dirigi tanto polis como bombero na e sitio. Na yegada di e patruya a nota cu e auto bieu ta na candela y un pida mondi basta grandi. eronan a inicia cu un combate fuerte y directo y a logra paga e candela por completo



# Mucha muher di 17 aña a pone fin na su bida na Pos Abao



Diabierna merdia a drenta informe di cu un mucha muher di apenas 17 aña lo a pone fin na su bida na un cas na Pos Abao, mesora a dirigi tanto polis como ambulans na e sitio. Na yegada di e ambulans nan a pidi presencia di dokter y polis. Na yegada di e dokter a constata morto di e damita aki. Polis a sera e area pa

asina por haci nan trabao investigativo. Manera nos haya mas informacion nos lo divulga esaki. Aparentemente si no ta na e mesun adres aki of ta den cercania ya den pasado un hende homber a pone fin na su bida.

## Maravillas de la Fe

Bo ta sufri di un malesa nan cu no no por cura ? Manera artrosis, Alzheimer, demencia, depressi3n, diabetes osteoporosis, p3rkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta cumpra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledat, angustia. comunika na

Comunica na 748 56 71



748 56 71





### Obituario

Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera  
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

**Pa mas informashon por tuma contacto cu oficina na 585-9500 of na 741-4554**



# Akinan raportahe di e resultadonan di e team di Aruba den e Mundial di Equitacion

Aruba cu Medalla di Brons den Mundial di Equitacion Despues di 3 dia largo di competencia, Aruba ta conkista un Medalla di Brons den e Categoria di Amazonas 25+, un logro sumamente importante pa Lea Vink.

Durante un categoria cu a tarda 2 ora cu competencia hopi fuerte, Lea Vink a logra Medalla di Brons pa Aruba. Enfrentando competencia hopi fuerte di Puerto Rico, USA, Colombia, Corsou y Venezuela, Aruba a saca cara pa demonstra e calidad cu nos tin den Equitacion.

Ariba diahuebs, e prome dia di competencia Mia Rose Tromp a hasi un bunita presentacion pero no a

logra clasifica pa sigi. Dia-bierna den su debut den un Mundial, Zachary Coffie a clasifica entre 11 jinete pa e siguiente etapa, pero no a logra keda cu un di e 6 premiacion cu tin.

Diasabra a cuminsa cu Courtney Irausquin, ken a hasi un bunita recorrido pero entre competencia fuerte y di 4 ora, no a logra clasifica den e categoria di 15-17 anja. Carolina de Cuba y Genesis Pietersz ambos a representa Aruba den categoria di 18-20 anja, caminda Genesis a logra clasifica entre 10 Amazona, y aunke a hanja palabra di elogio di e juez, no a logra pa por a hanja un cinta. Den un competencia ca-



minda e pais anfitrión a domina mayoria di e cat-

egorianan y bay cu mayoria di medaya, OCA ta hopi or-

guyoso di e presentacion di nos Jinete & Amazona.

## TEAM DI ARESTO A HAYA NAN VEHICULO DI TRANSPORTE NOBO



Recientemente e Team di aresto a ricibi nan vehiculo

di transporte specialmente ekipa, nos a logra capta un

foto di e vehiculo aki!

**HOTLINE**

**SOLO**  
Di Pueblo

**744-0444**

**CAPT'E Y MAND'E**

**OLIVE TREE'S PRE-PAID FUNERAL PLAN**

**PAY AS YOU CAN**

Piedraplat ☎ 582 0000  
Sanicolaas ☎ 584 8888 | 5820000  
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411  
www.olivetreefuneralhome.com



# Motociclista herida den un accidente na Saliña Cerca



Diasabra madruga a drenta informe di un accidente cu hende herida na Saliña Cerca, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un chauffeur a bay bira na su man robes sin a duna preferencia na un motociclista cu a bay pase. E

motociclista a purba kita p'e pero a haye cu un otro auto y a hay'e ta bula pa evita un impacto mayor y toch a cay abao y e tire di auto a herid'e. Na yegada di e ambulans nan a atende y a transporte pa hospital.

Un familiar a hiba e brommer. E daño na e autonan ta minimo.



## Polis a bay cu urgencia na Watergate pa un problema cu tabata musta di bay bira un bringamento



Diahuebs anochi a drenta informe di un problema bayendo for di dilanti Watergate, mesora a di-

rigi un patruya na e sitio. Na yegada di e patruya a bin resulta un problema entre un homber y un

muhe cu ta biba na e mesun adres y e homber ta reclama e muhe di a coy 700 Florin for di dje na

cas. Mirando cu esey lo a pasa na e cas polis a bisa nan pa nan no resolve nan

problemanan riba caya y a musta nan e caminda pa cana.





# FORTALEZA PA FAMILIA

Scirbi pa Pastor Marcel Balootje.

## LAGA NOS TUR BAN UNI Y HACI ORACION PA NOS HUBENTUD



Dios ta stima union, union ta haci forza, caminda tin union Dios ta manda su bendicion.

E palabra di Dios ta bisa den Mateo capitulo 18:19-20 : Atrobe Mi ta bisa boso, cu si riba tera dos di boso bay di acuerdo tocante di cualkier cos cu nan pidi, esaki lo wordo haci pa nan door di mi Tata cu ta na cielo. Paso-bra caminda dos of tres ta reuni den mi nomber ey Mi ta meymey di nan.

Esaki no ta djis un palabra, ta Hesus mes ta papia, pa nos por uni y haci oracion, pasobra Su Tata cu ta den cielo lo contesta.

A yega e momento pa nos trece nos hubentud dilanti den oracion, pasobra caminda man di hende no por yega man di Dios si por yega, caminda hende ta mira e asunto como imposi-

bel, nos mester corda cu pa Dios nada ta imposibel.

E atake riba nos hubentud ta algo cu ta bini ta sosode mundialmente, y cu ta solamente pa medio di oracion y arrepentimento serca nos hubentud e situacion por cambia.

E diabel ta ataca nos hubentud den tur forma, pasobra e kier controla nan mente, actitud, pa asina domina nan futuro.

Engaño tras di engaño ta bini riba nos hubentud, y nos ta mirando kico ta pasando con e enemigo ta kita bida di nos hubentud, y mas ainda e ta usa nan pa malisia.

Awor tambe nos ta mira cu hopi mayor no tin control riba nan yuinan, ta parce manera hopi mayor no por bisa un yiu:

\*Bo no por bay tal caminda.

\*Bo no ta sali e weekend aki.

\*No cana cu e sorto di amigo nan ey.

\*Bo mester stop di bebe, pasobra alcohol no ta bon.

\*Stop di usa droga etc. Ta parce manera coreccion a bay for di moda y awor libertinahe ta domina.

E sistema di mundo ta apoya mucha den maldad, y asina aumenta e desobediencia bao di nos hubentud. Tin hopi pais cu ta cambia leynan di un forma cu un mayor no tin hopi di bisa mas den bida di su yiu. Ta cosnan masha bochornoso e diabel tin planea contra nos hubentud.

Ora nos mira con na edad hoben muchanan ta wordo ranca for di mey mey di nos, nos tin cu compronde cu ta ora pa nos lanta ariba y uni den oracion pa bienestar di nos hubentud.

E asunto aki no ta un yoke, pero e ta algo hopi serio cu

nos mester para firme y demostra union den oracion, no lubida kico e palabra di Dios ta bisa:

Y si mi pueblo cu ta wordo yama na Mi nomber, Humiya nan mes, y haci oracion, y busca Mi cara, y bira for di nan mal camindanan, e ora ey lo Mi tende for di cielo, y lo pordona nan pica y cura nan tera. (2 Cronicanan 7:14).

E ta para scirbi pa tur hende compronde cu esaki ta un yamada cu Dios ta haci na Su pueblo completo, no

solamente na un persona, pero henter e pueblo tin cu busca Dios, Y e ora ey Dios lo tende for di cielo y sana nan tera.

Ki precioso Bo misericordia ta O Dios! Y e yuinan di hende ta tuma refugio den e sombra di Bo hala nan. Nan ta bebe nan barica yen di e abundancia di Bo cas, y Bo ta duna nan di bebe for di e riuw di Bo delislanan. Pasobra ta serca Bo e fuente di bida ta, den bo lus nos ta mira lus. (Salmo 36:7-8). Sinceramente, Pastor Marcel Balootje.

### ORACION DI DIA



Un feliz comienso di weekend bendiciona y cu Dios brasa nos cu su misericordia infinito.

Scritura ta bisa: "Misericordia Mi kier y no sacrificio." Mateo 12,7

Misericordia di Dios ta mas grandi cu su obranan. Loke Hesus kier di nos ta, pa nos ta misericordioso manera Dios ta misericordioso cu su pueblo. Den e prome lectura nos por lesa con Ezekias tabata pa bay muri. Dios a manda Isaías duna e noticia cu e no tin hopi tempo pa biba. Ezekias a bira lomba y a resa na Dios y Dios a tene misericordia cu ne. Mescos cu Dios a haci, nos tambe tin di haci den nos bida diario, tene misericordia cu nos rumannan, pasobra nos no sa den ki situacion nan ta pasando. Den e Evangelio tambe nos por lesa cu riba un sabat ora Hesus tabata cana cu su discipelnan den cunucu y nan abata tin hamber. Nan a cuminsa come trigo di e tapushinan. E fariseonan a bisa Hesus cu su discipelnan ta haci cos cu no ta permiti riba sabat. Hesus a bisa e fariseonan kico David a haci ora nan tabatin hamber. No laga nos bira mescos cu e fariseonan. Nos tin di ta manera Dios y Hesus, semper bay misericordioso cu nos rumannan y Hesus a pidi misericordia y no sacrificio.

Oracion: Dios nos ta pidi Bo pa laga nos por ta misericordioso manera

Abo ta misericordioso tur dia di nos bida. Amen.



**BO SANGER  
TA SALBA BIDA!**

☎ 587 0002

📱 StichtingBloedbankAruba

Registra pa bira donante na [www.bloedbankaruba.aw](http://www.bloedbankaruba.aw)



# Trahando banda di dje sin mishi cun'e palo di lus a bin abao



Diasabra mainta a drenta informe di cu un palo di lus a bin abao banda di Young Fellow na Barcadera, me-sora a dirigi un patruya na e sitio. Na yegada di e pa-


truya a mira cu e palo di lus ta schuins mita na halto pero e wayanan ta riba caminda.


For di esnan presente por a

compronde cu nan tabata trahando banda di dje y diripiente e palo a bin abao sin a mishi cun'e. A avisa ELMARNV pa bin drecha e situacion.

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

		1	2			6		
	7			9	6		4	8
	6	8		5	4		2	
7	5			4				2
	9		6	8		7	5	
8		6	7			9	3	
			5	1	9		8	6
1		9			2			
	2	5						9

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 20 July 2024 Merdia</div>		
<b>CATOLIC</b>	<b>LOTTO 5</b>	<b>Joker Letter</b>
Sorteo # 4332	Sorteo #	Proximo Jackpot
7996	0 x Jackpot	<b>110.000,-</b>
0754	0 x Match 4+	
5301	0 x Match 4	
	0 x Afl. 12,00	
<b>MULTI X</b>		
X2		
<b>BIG 4</b>		
Sorteo # 4332	Sorteo #	Proximo Jackpot
1065	0 x Jackpot	<b>55.000,-</b>
	0 x Match 4	
	0 x Afl. 8,00	
<b>MULTI X</b>		
x2		
<b>10FF</b>		
Sorteo # 2388	Sorteo #	Mega Ball
3516	0 x Jackpot	Proximo Jackpot
	0 x match 4	<b>380.000,-</b>
	0 x Afl. 500,00	
	0 x Afl. 50,00	
	0 x Afl. 15,00	
<b>ZODIAC</b>		
Sorteo # 4332	Sorteo #	
9708		
Capricorn		
<b>LUCKY 3</b>		
Sorteo # 1206	Sorteo #	
757		
<b>MULTI X</b>		
Fp		

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 20 July 2024 Anochi</div>		
<b>CATOLIC</b>	<b>LOTTO 5</b>	<b>08-13-22-28-34</b>
Sorteo # 8299	Sorteo # 2511	Joker 26 Letter K
3510	0 x Jackpot	Proximo Jackpot
9381	0 x Match 4+	<b>120.000,-</b>
6744	5 x Match 4	
	194 x Afl. 12,00	
<b>MULTI X</b>		
x2		
<b>BIG 4</b>		
Sorteo # 7343	Sorteo # 6536	Proximo Jackpot
0121	0 x Jackpot	<b>56.000,-</b>
	7 x Match 4	
	161 x Afl. 8,00	
<b>MULTI X</b>		
x2		
<b>10FF</b>		
Sorteo # 2048	Sorteo #	Mega Ball
4370	0 x Jackpot	Proximo Jackpot
	0 x match 4	<b>380.000,-</b>
	0 x Afl. 500,00	
	0 x Afl. 50,00	
	0 x Afl. 15,00	
<b>ZODIAC</b>		
Sorteo # 6102	Sorteo #	
9806		
Cancer		
<b>LUCKY 3</b>		
Sorteo # 1032	Sorteo #	
374		
<b>MULTI X</b>		
x2		



# HOGE RAAD TA DICIDI OF TA E PUEBLO DI ARUBA TA DICIDI?

Si esnan responsabel kier laba man pa laga otro dicidi, anto ta pakiko no a laga e pueblo di Aruba mes dicidi den un referendum, prome cu e cassatie na Hoge Raad? Pakiko esnan responsabel, no a defende e derechon di Dios y di e pueblo Cristian? Of ta miedo tin pa defende of persigicion? Ta na unda tur e firmanan di e pueblo Cristian a keda, pa stop e casamento di e mesun sexo? E no tin balor mas? E veredicto di Hoge Raad, ta solamente un interpretacion e ta, na e articulo 1 di constitucion tocante discriminacion, esaki ta un consejo e ta pa Aruba cumpli. Pero Aruba ta riba su mes, Aruba tin su statuut y ta esnan responsabel y e pueblo di Aruba ta dicidi. E constitucion di discriminacion ta constitui, di no discrimina hendenan di tur rasa y idioma di tur paisnan di mundo. Akinan discriminacion ta papia solamente di hende cu hende y no di inmoralidad di sexualidadnan y casamento di tur clase. Si un hende ta bin biba na Aruba y e ta biba den su sexualidad di tur clase of ta casa den tur clase, esey ta su asunto. Pero e persona mester respeta e constitucion di e Ley di Censo, cu ta papia solamente di casamento entre homber y muher y esey tambe ta e Ley di Dios. Ta e hendenan den inmoralidad

y deshonesto, ta nan ta bini cu e casamento di e mesun sexo y nan ta usa e discriminacion pa nan mes fabornan. E casamento di e mesun sexo ta un pika di inmoralidad y deshonesto, cu ta danja e mentalidadnan di nos hubentudnan y ta danja nan conducta moral di bida. Ta con bo ta bisa, laga nos diferencia un banda y bo ta scohe inmoralidad y deshonesto pa e pueblo y bo ta bisa tambe, mester respeta e decision di Hoge Raad. Hoge Raad no tin nada di bisa, pasobra ta un consejo el a duna y Aruba ta ariba su mes pa dicidi. Pakiko bosonan responsabel, no a defende loke Corte di Justicia di Aruba a dicidi na December 2022, cu no ta permiti pa parehanan di e mesun sexo casa. Corda loke Dios Tata a haci cu tur e habitantenan di Sodoma y Gomora, nan tur a keda na shinishi pa medio di candel y azufre, pa motibo di nan pikanan di inmoralidad y deshonesto. Cristo Hesus ta bisa, no tene miedo di esnan cu por mata curpa, ma tene mas miedo di Dios, cu por tira alma y curpa den fierno. Mester bin cu un referendum mas pronto cu ta posibel y laga e pueblo mes dicidi. Pasobra bos di pueblo ta bos di Dios. Pa Dios nunca no ta laat, pa drecha loke boso a danja. Seferino Tromp

# NA UN ADRES CONOSI PA POLIS A CONFISCA SCOOTER HORTA, AUTO USA PA HORTA E SCOOTER Y A DETENE DAMA YORANDO COMO SOSPECHOSO



Diadomingo madruga un persona cual nan a horta su scooter a yama polis bisa cu e GPS riba su scooter horta e dia prome ta señala cu esaki ta den Semeleerstraat, e doño a bay na e dicho caya y a wak e auto cu a ser usa pa horta e scooter para dilanti e cas, mesora ela yama polis y nan a presenta na e adres. Eynan a sali un dama pa check kiko ta pasando y eynan polis a puntr'e pa e scooter. Na prome instante ela nenga pero despues a muestra unda esaki ta y polis a haya e scooter horta tambe. Polis a confisca e auto e scooter y a detene e dama como sospechoso di lo ta involvi den e caso di ladroncia.

Na yoramento mes nan a bay cun'e como sospechoso. Awor ta na e dama pa e canta kedenan a horta e scooter of e ladronnan



**Clasificados**

Icons: Car, House, Shopping Cart, Truck, Hammer, People

CLASSIFIEDS

**SOLODIPUEBLO@GMAIL.COM**

**CEL. 585 9500**

SOLO Di Pueblo



Minister Endy Croes:

# FELICITANDO SELECCION DI BASEBALL DI ARUBA LITTLE LEAGUE 11-12 CU DESPUES DI 13 AÑA TA BEK DEN WORLD SERIES NA WILLIAMSPORT

Aruba ta derota Republica Dominicana 2-0 na Corsou y ta titula campeon di Serie del Caribe

ORANJESTAD: Minister di Enseñansa y Deporte Endy Croes ta sumamente contento cu e actuacion y resultado di nos Seleccion di Aruba Little League edad 11-12 aña. Aruba cu un “outstanding performance” den Serie Del Caribe, cual a tuma luga na Corsou. Diasabra atardi, Aruba a topa e fuerte ekipo di baseball di Republica Dominicana den e gran final.

Aruba un dia anterior tabata perdi 6-0 den prome inning contra e fuerte Seleccion di Pariba di Corsou y a logra bringa pa gana e wega aki 12-8 tras di un tremendo home run di tres (3) careda di Arnold Martha cu a trece Aruba bek den wega. Diasabra anochi, den un stadion yen yen, Aruba ta derota Republica Dominicana 2-0 pa titula campeon di Serie Del Caribe.

Pitcher Naivmar Angela ta tira un “one hitter” te den di 5 inning sin permiti careda, mientras e mes ta conecta un cuadrangular pa manda Aruba ariba 1-0 den e di dos entrada. Sigur un wega



yena cu emocion, pero Aruba su seleccion a hunga cu caracter pa gana y a sa di ehecuta e momentonan mas crucial sea cu “double play” y hungadanan na momento oportuno. Pabien na nos seleccion, pabien na e coaching staf y manager y tur cu a duna nan aporte. E mandatario di Deporte ta gradici e sponsornan, manera Lotto pa Deporte, SSA, RBC y sigur tur otro cu a contribui. Seleccion di Aruba awo ta bay sigui



prepara pa augustus nan biaha pa Williamsport na Pennsylvania pa representa Caribe completo den e gran

World Series. Weganan aki lo ta bay ta en bibo riba ESPN. Pa finalisa, Minister Endy Croes ta felicita Seleccion

di Baseball di Aruba Little League di edad di 11-12. Nos ta sumamente orguyoso di bosonan.

**Clasificados**

Icons: Car, House, Shopping Cart, Briefcase, Wrench, People.

CLASSIFIEDS

SOLODIPUEBLO@GMAIL.COM  
CEL. 585 9500

**SOLO**  
Di Pueblo